

存稿
燕華軒

棣華軒存稿

宿遷錢侍辰

一名越坡著
正吉

山中招友篇賦呈惜庵舅氏

淮北少名山，陂陀莽無似。地環大河曲，村遠長安市。我
思登太華，風送飛雲履。我思居崑崙，袖拂紅霞綺。恨無
買山貲，幽情常徙倚。舅氏營草堂，瀕臨河之埃。環土以
爲山，鑿池以爲水。一邱與一壑，借以勵行止。千秋輞川
圖，祖述有如此。萬卷富搜羅，酉陽差可比。閒時開北窗，
登高臨遠邇。俛仰天地寬，嘯傲風雲起。更思招良朋，歲
寒心共矢。把臂入林中，吾徒竟誰是不招。紅塵客不招。
棣華軒存稿

一

青雲士不招，紈袴兒不招。襜褕子，嚶然曰：古人古人，其
知己形容不可接。心神猶可擬，伏生傳聖學，口授宛入
耳。董子訓經，奮心傳得所，指班馬助雄文，莊惠析妙理。
高標李杜，幟上奪曹劉，壘今人在一室，一室遠千里。古
人在天涯，天涯近尺咫。招之頃刻來，塵壒一爲洗。侍也
生不辰，屯遭逢，運否常懷醯，雞恨徒抱蠹，螢恥偶停問。
字車境入桃源裏，獲登古人堂，獲飲古人醴，攻玉得良
工。我心賴以啓，更刊先賢集，貞珉有足恃。子以繼絕學，
子以步前軌，文章自可傳，精誠終不死。借此招後賢，知
音百世俟。

與伯兄言志

邴堪回首去來今
廿載流光過隙陰
閱歷備嘗茶味苦
疎慵未閱世情深
此生合耐千磨劫
不死難灰一點心
多少男兒眞事業
蹉跎莫任百愁侵

有感疊前韻

雖然雨露重于今
化日何曾解固陰
岌岌時臨山逕仄
茫茫難渡海流深
自須人有堅持力
未必天無悔禍心
差幸東隅多歲月
鬢毛莫任曉霜侵

寄懷寶一齋

元清

郎昔事行役飄飄
霏雨雪耶今未歸
來嬾嬾楊枝弱
縱棹華軒存稿

二

結百年歡百年亦
太少如何相思情
多寄長安道郎有
思妾心不言妾自
識妾心更思郎未
忍向郎說多情姊
妹行拈花故繚繞
可憐連理枝盡是
斷腸草衾寒不成
眠長夜何時曉

鼓城舟中

一帶長河曉霧開
仙源隱約接蓬萊
今朝片葉中流裏
看我乘風破浪來

回首烟嵐縹緲間
布帆又過呂梁灣
殷勤舟子頻相報
望見雲龍一抹山

寄贈釋因如

宏度

客自淮陰返言尋勝境來石橋環白水蘿徑隱蒼苔道
子攜尊至詩僧挂杖回篆香樓小憇雲水共徘徊

蓮社知名早澄心萬慮空棒敲春夢破鉢泛彩曇紅說
法追摩詰論詩亞己公便思挂帆去一謁梵王宮

輓成丈盥搽儁再疊前韻

愛我曾分鮑叔金經年消息隔重陰撩人青鬢愁無奈
回首黃墟感易深半世不乾知己淚九泉應抱未酬心
尙餘詩稿應珍惜莫任奚囊老蝨侵

將赴崇川留別百花草堂諸君子

陸丈春堂

從星時春堂將返宿
卽和蔡月岑送行韻

棣華軒存稿

三

莫作臨岐語愁雲四壁沉相留無幾日片刻亦千金舊

雨聯新社

時月岑
初至

長歌續短吟請看霜露重南去有鴻

音

鴻飛何日返隔歲感離羣知有重圓月曾無久聚雲衣
香猶可把塵事不堪聞永夕難成寐蘭膏繼晷焚

鄭吟香

寶

和送行元韻

今夜窗前月愁人忍獨眠離懷誰遣此孤影自相憐須
髮終無負詩文亦偶然不堪搔短鬢迴首憶流年

此地難爲別終宵未肯眠異苔欣有托同調本相憐衰
病君何劇柔腸我故然西風山骨瘦鶴立自年年

再別吟香

不惜千金揮霍盡當年意氣有誰知英雄未展摩天翮
處世何妨一任癡

恨我無緣共討論旗亭猶遣一開樽他年廿四橋頭月
認取青山舊酒痕

蔡月岑 瑞芝

兩地聞聲舊識名百花堂裏始心傾清才應許能先達
大器何妨待晚成孤館夜聽秋雨靜西風時覺客衣輕
焦桐漫入中郎聽留取它年月旦評

王甘崑

棣華軒存稿

四

泛我南下之輕航牽君九秋之羅裳拭君臨岐之別淚
撓我遠道之柔腸柔腸若斷不可續別淚雖含不輕落
原知多恨由多情莫遣情思如繭縛爾我中表相訂交
三年同塾如同胞不爲燕雀爲鴻鵠相期奮翮凌雲霄
君擅長才難短馭我將負笈紫琅去淒淒秋月照離觴
浩蕩涼風吹客路春風送煖秋風寒春花秋月兩地看
男兒生有四方志九萬扶搖良可搏安能挨頭復帖耳
不雪驥服鹽車恥但須千里有同心會聽瑤琴一曲東

海水

秋月將圓行期已迫同人以千里共明月分韻得

千字

一雁下霜天蕭蕭路幾千子懷于此結明月爲誰圓桐
葉辭林落蛩聲遶戶傳伊人應盼我謂成湛園今夜不成眠

八月二十六日薄暮望邵伯湖

是雲是水是天光十里平湖入太荒隔岸人家望不得
急灘鴻雁自成行

無題和韻

辛卯報罷作四首之二

自惜身無彩鳳翼人間天上兩遙遙難憑塵夢通銀漢
愁聽霓裳譜玉簫寒警金風燈影亂香殘寶鴨篆烟消
妬他一帶無情水隔絕揚州廿四橋

棣華軒存稿

五

個儂心事亦狂癡寫寄羅裙百幅詩盤鬢未凋先癩沐
畫眉雖巧不逢時一場春夢迷雲影萬縷愁懷化雨絲
紅袖青衫齊鄭重昔年涕淚好相持

小浣花吟榭分韻得人字

急雨催殘夢推軒意絕塵芭蕉青掩屋楊柳笑迎人尋
趣天機活忘形道味真浣花溪畔立石上湖前因

花朝日用韓吏部東都遇春韻

百五佳辰好廿四番風競花朝積靈開草堂晴光映日
上柳稍黃春染竹葉靚酒濃樽常滿書狂筆不病

見宣和書

譜鴻鵠翅已垂騏驥氣空橫未着祖迦鞭愁攬李白鏡

世事無定期月旦有公評春秋去還來草木衰復盛雪
意三冬積雨聲連宵聽斗室日無光寒齋晝忽暝春意
閉未蘇梅花困難醒乍逢朝曦昇頓掃薄雲罄陰柳妙
理伸陽反天心正眼似頓開盲身如初出穿水光蕩人
心山色怡人性好友相招邀瑤章相報聘啼鳥啼已寂
游魚游以咏石硯蘸墨香檀几臨窗淨開軒有鶴來閉
門少客經詩意畫意交塵想俗想迸漁樵生涯俱鹿豕
馳驅併富不慕石崇貴不欲趙孟一編見前賢萬卷希
古聖中郎琴不彈月岑無詩摩詰敵方勁謂甘卓三戰卻封媿
再拜祝司命舉杯前致詞醜酒聊將敬飄泊爲花惜繁
棣華軒存稿

六

衍爲花慶身世夫何求顯晦皆由命觀水溯淵源登山
尋究竟

古詩

壬辰闈後作

儂顏如春花儂心如秋水心期難改移顏色易消毀爲
言惜花人及時採芳蕊莫待顏色衰悵望徒依徙

盆中假山

高不必登大行兮陟九嶷險不必鑿龍門兮窮嶽巖運
甓當師陶侃勤移山莫笑愚公癡胸中邱壑有眞意一
卷亦具峻嶒勢天風浩浩鶯飛來吹落齋頭供位置杯
水挹注流泉通馬援聚米將毋同酒酣頓覺乾坤隘單

椒孤嶼爭天工月滿空階閒散步咫尺烟巒隔雲樹轉
笑臥游宗少文撫絃動操矜殊趣

感懷

已拚身事累猶肝塊壘胸遣尙難兩度秋風何迅速
一場春夢又闌珊封侯莫任馮唐老贈絮誰憐范杲寒
試看蓬壺雲萬朵幾人走馬到長安

咏芙蓉

滴露凌霜色未濃欲將遲暮問蒼穹淡餘幽怨澄江碧
訴與閒愁夕照紅冷豔飄殘蘆葦雪疎枝吹老鯉魚風
自憐我亦傷秋客金鏡何年入夢中

棣華軒存稿

塞外月

七

孤月照邊關蕭蕭雁影殘烽烟痕漸直羌笛夜初闌地
闊嚴霜苦山高白骨寒遙憐小兒女同此故鄉看

水底月

澄潭深百尺濯出此瓊瑰入手不能掬迴波還湧來奩
開臨玉鏡蚌老墮珠胎待得半鈎上游魚應避迴

秋懷

落葉滿山巖寒風摧林藪秋思忘晨昏秋聲繞戶牖織
織玉兔殘忽忽金烏走蕭蕭寒蛩鳴汨汨清泉瀏夷險
亦其常白雲幻蒼狗燕雀嘲鳳凰鐘虞亂瓦缶處危思

其安匪吉並獲咎嗟此千秋名遠計百年壽金石虞摧
殘草本易衰朽朝起攬青絲暮歸悲白首得意止須臾
失時貽悔後翻檢素泥書珍重黃花酒言撫無絃琴矧
結同心友歌成聊寄將無營能持久

寄成湛園

積雪滿庭除當窗何晶晶擁被不成眠所思在遠道願
言追舊歡千里予懷渺不怨別離多但惜良會少望君
一紙書鴻雁幾時到

文章輕鷺毛世味等鷄肋芷摧爲薪秋風太蕭瑟征
鴻亂有聲霜華落無色棄捐勿復言霧隱丹嶂黑

棣華軒存稿

八

中表錢樾坡少爲文踈弛不羈時自斂抑以就範圍文章憎命屢困場屋性嗜書余家插架之藏皆所手校又工鐵筆著棣華軒印存平素不假詩鳴偶一拈毫吐屬雋永詞壇酒陣與余昆弟同侍先君子杖履者三十餘年與珠南夫子交最篤聞夫子歿怫鬱而終年亦五十校刊遺詩曷勝今昔之感

咸豐庚申季夏柵淵王禹疇誌

棣華軒存稿跋

西魏
齊
北
齊

序

士有才而厄於遇比比矣未有厄於遇而并厄於所自見之才者也遇不可知而吾才無加損才不必合乎當時傳之方來足以自表見獨悲夫生無所遇死復無以鳴其才才不自鳴並其人將泯焉而弗章則所謂天之扼我如不我克者也吾友張明經南雲才士也生而偶異以文行其才所爲詩數百首年經而逾上每得句必造門擊節歌賞飲酒快意去蓋十數年於茲矣君嘗謂吾詩瑰麗俊偉非池中物吾亦服君清拔之氣當迥然搏扶搖也顧十數年來君與世迂不見錄於有司而余

醒菴存稿

序

一

亦困窮弗自達回憶陵物標許年少氣盛之時所爲何其悖也然吾厄於遇兵革流離天猶假餘息不死君遭亂乃寃沒黃壤中不能脫命以全其才是益可悲也已且君之詩與年俱富其連篇累幅實足以覘宏贍卓犖之致顧煨燼不復存者僅此吾恐覽者啜其醕而遺其醕觀牛涿而沒江海之大也則是吾南雲生無所遇而死並無以鳴其才又得不重悲之哉

咸豐六年丙辰六月同學弟李肇增撰

張明經死難傳畧

張榆字南雲揚州江都縣人廩膳生工詩善屬文名於鄉著有醒菴詩文稿兩卷咸豐三年春二月粵匪白金陵掠揚州城陷榆自經死初郡人聞賊攻金陵紛若鳥獸散榆誓與城存亡遣其妻子奉母避居鄉間榆家居與兄正柏守先代木主遺像義不忍去城陷爲賊所鹵脅之降不從賊怒箠楚交至以刃試頭者再榆張目怒視謂賊曰頭可斷身不可屈也卒遁歸縊死里人哀之

醒菴存稿

傳畧

醒菴存稿卷上

江都張 榆南雲著

古詩二章贈桂子香

南山一千仞中有太古石靈秀天所鍾兼秉貞白質風
霜磨礪久圭角森森出我欲採此歸高置瓊瑤室藉以
五紋錦輝光照四壁惜哉時不利遺棄在山澤清泉濯
其根上蔭松千尺孤潔性所安寶貴無人識雨雪天方
寒空山長寂寂

梧桐生高岡枝葉蔽天垂異才難爲用礪柯多奇姿羣
木羞與伍各復競芳時傍有孤生竹結根遠相依磊落
醒菴存稿 卷上

互怡悅遂爲千秋期桐陰一何高竹節不可移抱此清
潔性願爲鳳皇枝鳳皇今不來衆鳥亦何爲

登泰州城樓

登樓舒倦眼秋色正蒼然高樹隱殘日孤村上晚烟風
聲平掠地海氣遠浮天搔首東南急軍書日夕傳

與樸齋夜話

慷慨論心事醅醪且共傾親衰無薄祿交重少新盟世
道如看奔文心類將兵古人原不死沒世重稱名

觀江克安作書兼送之淮上

清風杳杳天正長虛堂龔龔隕麋香吳箋鋪案丈有二

江郎下筆生輝光濡豪四顧初不落脫帽露頂神洋洋
淋漓潑墨忽滿紙一手直下數十行長鯨巨鼉大海躍
青鸞白鳳仙山翔雲烟混漾千變態筆勢上與天低昂
小巫結舌復何語轉更起舞爲君狂日暮湖干艤客舟
橐筆將去清淮游中途慎勿爲墨戲水深恐有蛟龍求

獨鶴行

秋風吹冷九臬路獨鶴聲警清露餓翅蒙戎久倦飛
倏然下顧無栖處籬間雞鶩爭得食低首汗泥甘轉側
鸚鵡能言更狡慧玉管金籠蒙愛惜吁嗟爾鶴兮旣無
鳳凰之文章高登阿閣鳴朝陽又無大鵬之羽翼翱翔
醒菴存稿

卷上

二

萬里乘風力曷不歸栖海上山清泉白石長往還羽毛
皓潔空自愛胡爲久游塵世間空林月黑多網羅無人
招爾爲高歌鶴兮鶴兮將奈何

雪中作

朔風三日吹栗烈大野茫茫二尺雪前山滅頂望不見
平林枯枝凍將折憑高極望勞遠眸蒼茫百感來登樓
頗聞海東雪尤盛燕南花開吳越州西夷小醜強奮臂
敢犯凜冽披氊裘黃毛白肉不耐凍應似蟻蟄寒垂頭
王師十萬遠撻伐秦蜀勁卒雄貔貅便須整軍下溟渤
挂帆直駛風颼颼揚沙擲豆奮呼躍奪取大艇俘其酋

妖氛掃除亦已盡浮浮之水見現流沿海大郡獲安集
室家那復悲無鳩捷書明日報

天子聖恩大賚士卒休羣臣更上瑞雲頌年豐民樂興
歌謳吾儕鼓腹太平世衣破屋壞終不憂酒酣仰天重
悲咤當代誰爲李僕射

東望

東望滄溟湧怒潮蚩尤噴霧斷昏朝干戈未靖爲民苦
天地何心讓虜驕哀語忍聞中澤雁壯謀誰斬挾舟蛟
吞聲日向江頭哭銜石冤禽恨未銷

擬古二首

醒菴存稿

卷上

三

日月更相代逝者如川流人生亦何爲怫鬱常坐愁太
華極天表我願一往游倚馬胡踟躕所悲道阻修壯懷
未及騁盛年不可留獨有盈尊酒聊用解煩憂

結髮從征戰習苦在戎行豈不惜軀命主恩固難量邊
塞常苦寒六月天雨霜奮起入虜陣矢石交飛揚失道
援且絕空拳仍更張男兒義敵愾持以報君王生存爲
千城戰歿爲國殤

憂時

盜賊久未息儒冠徒誤身憂時惟一哭高枕竟何人輾
轉溝中瘠蒼茫海上塵可憐肉食者袞袞盡王臣

六月二十四日作 壬寅

急浪無安舟驚柯無完巢天綱一以布萬族將焉逃六月天大暑夷舶來江臯危城十萬戶晝夜聞號咷事急別無策但謀適樂郊樂郊在何許去城十里遙村氓昔所欺今爲性命交賊盜乘閒發劫質中路邀前者已悔歎後者仍囂囂負擔塞路衢炊煙漸寂寥有客北窗下長歎心鬱陶旣無全身智先事慎所遭臨禍苟求避毋乃身徒勞淡旬聞亂定歸人嬉以遨置酒賀更生舉室盡酩酊始弔終以慶倏忽在數朝昔聞睢陽圍全城誓同袍居民餓且死巷戰猶能鏖石城非爲堅堅在衆志醒菴存稿 卷上 四

牢嗟此瓦解勢誰可與久要居安附如蟻見害奔若濤
死生豈不重義命古所操日暮悲風起摩抄匣中刀
難毋苟免吾懷高子羔

此詩忠義慨慷吐露紙上臨難不回之意已兆於此
矣孰謂文章不可以見性情哉 冰未識

江克安歸自東洵

避地經年滯海涯春風送客乍還家干戈已定貧逾甚
妻子都存病轉加濁世埋名須縱酒餘生行樂且看花
與君同是危巢燕不用窮途感鬢華

泰山墩懷古

戰壘縱橫高阜間一洲名勝競登攀單軍早縛江淮盜
直節難迴廟社姦濤湧松杉兵勢在塵埋劍戟土花斑
邱陵雖小風雲護千古誰能撼此山

醉歌行

金尊酒滿持向君勸君立飲無逡巡花枝明媚豔春色
玉盤珍錯何續紛醉來倚臥松下石仰首但見青天雲
雲中仙人美如玉彷彿韶顏十五六星冠雲袂翩然下
卻顧九埃厭塵俗倒騎鶴背逝將去我竊舉杯向靈祝
感我精神復下來爲余一飲盡百杯冷泠環珮半空落
瑤宮玉女來追陪玉女不能飲能歌紫雲迴振袂發清
醒菴存稿

卷上

五

商鸞鶴相徘徊君不見一歌兮緩霞佩蓬萊山高紫海
沸再歌兮玉笛破金風夜吹列星墮歌三發兮歌聲幽
廣寒桂落天下秋仙人命我兮駕赤虬歸來歸來兮塵
中不可以久留

月夜偕子香冰叔小飲

明月縣中天高空澹微雲愛此秋氣靜旣暮呼我羣一
盃互斟酌坐對各已醺感念身世間百慮滋紛紜一夕
暫爲歡良會故所欣出門一長望夜景空秋雲零雨暗
霑衣人語寂不聞胸次頓澄徹蕩滌無塵氛此樂吾侶
共勿爲外人云

醒菴存稿卷下

江都張 榆南雲著

寄懷鄭大寄琴

秋風振林薄高雁雲中飛之子在海濱道遠何時歸昔
者爲歡會杯酒常共揮豈無同懷客高尙似子稀河干
一爲別色笑與我違欲往蹇相從遠道復徘徊浮雲無
定踪倦鳥無安栖辭家遠行邁幸免寒與飢飄泊豈顧
恨所苦爲世羈永夜再申歎嘯歌聲正悲

俗以七月十五日夜市民延僧誦經擲米飯鬼謂
之利孤余見之戲爲作詩

醒菴存稿

卷下

一

陰風夜吹月無色市人飯鬼作功德明燈數百照路衢
中懸一幅繡佛圖高臺建旛僧列坐紫衣手捻牟尼珠
搖鈴召鬼百鬼出繁聲嗽嗽聞不得鬻饅吹人作寒氣
列炬無光天慘黑老僧合眼向鬼語語低髣髴相爾汝
擲米一粒衆鬼淩更灑楊枝布甘雨羣僧誦佛鉢鼓喧
爐香篆裊青烟痕松脂然燈照鬼去餘焰猶及歸墓門
當街乞兒笑口哆今夜孤魂飽於我

曉霽步後園

霧露曉未收秋空淡晴旭荒圃足清景卽事欣瞻矚展
齒印蒼苔土膏內含沃松花雨餘落衣袖滿清馥古井

寒不波梧桐照深綠林禽習幽人靜若在空谷三徑亦
已蕪愜此生意足慮淡遠紛擾地寂慰幽獨終焉此羈
栖依林構茅屋

秋懷八首

慘淡高秋景悲吟客自憐雲陰低蔽日月色冷橫天獨
寐消清晝幽居過盛年籬門一徙倚城角繞荒烟
臨水三弓地榛蕪久不治桑枯蟬失翳花盡雀爭枝傍
樹須營屋分流好鑿池勞勞塵境裏小隱爲誰遲
偶動烟波興扁舟獨泛湖晚花空豔豔高柳自疎疎日
落吟懷遠天遙客夢孤沅湘隔千里何路采薜蘿
醒菴存稿

卷下

二

西村今歲歉野蔓滿平疇民氣何時樂生機未易謀
荒秋水涸鴉亂夕陽愁寂寞空齋裏寒燈獨夜幽

少賤論交苦同心有幾人窮途各埋鬱遠道况風塵翦
燭虛清夜當盃憶早春天邊望飛雁目送祇傷神

疎雨暮瀟瀟長吟破寂寥蟲聲淒古壁螢火暗深宵
養拙貧能耐多憂病不消西風更蕭瑟瘦盡隱侯腰

丹桂仍秋豔黃花又晚香風聲滿虛牖寒色上高堂
賞酒邀兄醉調羹勸母嘗天倫幸無恙憔悴不須傷

厭與塵囂接攤書日閉門不看今世態誰信古人尊
習靜聊爲適浮名那足論沈憂無遣處曳履上高原

瘠甚有作

朝來對鏡意不懌形枯髮燥無好色生年二十有六歲
已似老人六七十且免膏粱誚豕肥那惜清癯如鶴立
可憐累歲民生艱村黎澤叟飢且孱書生食粟有何益
焉用頤養爲豐顏詩成擲筆坐長嘯寒雨在簷餓鴉叫

枯桑歎

牆東老桑五丈餘高枝四出陵青虛荒園得此作幃幄
綠陰滿地搖扶疎生意婆娑忽蕭瑟枝葉凋零飽蠹蝨
主人日倚籬門看明月清風慘無色平時愛爾覆蔭長
不令伐取來斧斨託根謂可固終始胡爲蕉萃中自戕
醒菴存稿

卷下

三

將無材大造物忌不爲人用空昂藏爰爾白日摧爾嚴
霜萌蘖欲出寒飈夜狂使爾夏不綠秋不黃生機斬伐
略已盡獨餘凡木生輝光人生榮悴那復堪仰首問天
天茫茫重日物有盛衰兮不可期昔沃若兮今淒其焉
夜啼兮宿梧枝松梧失侶兮長相思百年靈物宜有知
重復生兮當何時高秋憑弔兮淚沾頤

晚泊四絕句

舟泊蘆花灘夢吟蘆花水日暮海潮來風捲蘆花起
但見江上山不辨山中樹滿岫白雲生樵歌起何處
落霞明遠天倒映一江赤霞散江水澄澈底青天色

遠見漁舟來近聞櫓聲響路轉不見舟一燈明野港

臺城

東南半壁梁天子十里臺城容老死臺城風淒日色白
似聞荷荷餓鬼哭蠹爾何人狡且雄渡江縛取蕭老公
老公跌坐若有神今生勿復見此人捨身同泰已自苦
安用太平作寺主自我得之自我失此中禪機悟不得
金甌一缺胡可完施恩非族爲禍端小醜反覆那足怪
卵翼早負齊高歡謝舉蕭介盡遠識謀之不用悔何及
十年宗廟血食無老公餓死毋嗟吁

明太祖孝陵

醒菴存稿

卷下

四

眞人濠泗走英風崛起雄才又沛公吳漢爭持紛奪鼎
徐常明哲免藏弓再傳北徙仍開剏一代南都竟始終
寂寞故陵衰草徧依然禾黍弔遺宮

莫愁湖

城西一湖水曾照莫愁顏環珮游何處烟波仍此間曉
山低石髻疎柳約風鬟欲問南朝寺詩人去不還

懷子香

杯酒西窗一憶君中年哀怨感紛紜那堪吳質長愁日
更讀安仁永逝文山館風涼人臥病江城秋老雁離羣
枯蘭瘦菊空生意苦對高天望夕曛

江皋寄影圖爲符南樵題

并序

歲壬辰符子挈家館江上採山釣水殆將終焉
未幾南游楚北渡淮經年乃歸歸則賃居城中
寓舍壬寅夏夷船入江瀕江居民廬舍一空或
煨燼矣人事不常滄桑多故萍踪孤寄幸留餘
生旣經亂離彌感疇昔繪圖徵詩爲賦四章

一派烟波繞故城鷗鄉永念舊時盟萍蓬寄跡兼今昔
兵燹驚人半死生塘北久虛三畝宅海西重負十年情
知君聽徧揚州曲不及漁家晚唱聲

垂柳清陰取次看妻孥會共數椽安潮平沙岸無車轍
醒菴存稿

卷下

五

月滿柴扉有釣竿陶令門前閒詠好伯通廡下久依難
天涯愁作無家客落木西風古渡寒

慘絕風光是去年樓船如蟻逼江邊烽烟照澈青天暮
鼙鼓驚迴白鷺眠往日比隣嗟蕩盡危城孤館幸安全
居人亂後歸應少十畝荒蕪舊種田

鷗寄蕪城尙厲公幾年吟望歷秋風江頭蘆絮飛應白
階下棠花瘦不紅霜露蕭森栖倦鳥稻梁辛苦逐征鴻
餘生更作依人計悵憶青山入夢中

石香齋稿

石香詩草序

聞之白沙陳氏曰詩之爲道全主乎韻無韻則無詩矣夫韻不可以迹象求不可以馨響著流於迹象聲響之外而仍存於迹象聲響之中此如畫家六法無論神品逸品總以氣韻生動爲上蓋無韻則薄有韻則厚無韻則滯有韻則靈北宗之不如南宗韻不足也審是而詩之貴韻更可知已襄平于生靜思喜爲詩無北鄙之音合風騷之旨如花之艷如泉之清如古琴之和平如美人之明麗如哀猿孤鶴之叫嘯於空林峭壁間課虛而韻存卽實而韻亦存其有窒而無韻韻而不流者蓋亦

石香詩草

序

一

尠矣獨是他人之爲詩者往往撚髭琢句惟恐不工故桑民懌羅圭峰諸人有布被蒙頭樹顛栖息至於面如土灰而後已者而靜思之詩成于董春鋪下菱機魚龍出沒濤奔湍湧之餘非有過人之才者而能然耶張子墨岑予山居舊友也以畫名得南宗之傳固有合於氣韻生動者與靜思並官清江靜思之於詩猶墨岑之于畫也得吾說而更參之墨岑氣韻神韻之間其有相與於無相與者乎時乾隆十二年歲在丁卯夏五之朔日長洲友人沈德潛題於桃源舟次

石香存稿

燕南子文濬靜思著

懷人詩

臺省才名久絕倫高山悵望幾經春歸來白髮青霞色
天許林泉作主人

沈歸愚先生

三十三峰草堂好入林嵇阮是吾儕豫章大木人難致
合在山巔並水涯

翁霽堂照

青羌笛裏奏梅花遷客年年怨歲華一自窮荒生馬角
春闈無夢到龍沙

沈寓舟青崖

幽人小築榜松巖遠道新詩寄一緘萬樹梅花五湖月
石香存稿

尋君擬挂洞庭帆

李客山果

詞場南北讓先鞭紈扇經秋又棄捐頭白謝榛遷授簡
竹枝歌上趙王筵

盛青樓先生錦

丹陽妙筆重南宗尺幅韓江寫意濃作畫何須師藁本
匡廬太華在心胸

蔡旅亭嘉

風雪聯吟夜不眠南州一榻至今懸沙村草閣何年到
鱗眼松風試二泉

徐玉川流方

小山蠟屐記遊蹤楚樹烟雲隔幾重人在芙蓉雙闕下
時承金掌露華濃

英夢堂先生廉

數椽茆屋足徜徉墨瀋淋漓雁幾行一抹蘆花秋雨夜

伊人彷彿在瀟湘

邊頤公壽民

潑墨閒窗素練寒坡翁遺意見毫端一枝便抵南金重

烟雨可須寫萬竿

金冬心先生農

石鼓遺文細較量飛揚跋扈氣堂堂一筇倚徧南朝寺

誰識江東舊酒狂

楊已軍法

青山司馬白髭鬚本是蓉湖一釣徒尺幅鶯谿銅雀研

小窗無事仿倪迂

沈凡民鳳

清冷官曹寄海濤魚龍長嘯和幽吟家傳戲海羣鴻筆

一字真堪直百金

鍾溪堂先生曙

詞人白首尙郎官越水吳山倚櫂看載得春鳧詩一卷

石香存稿

二

不愁風雪酒家寒

符藥林先生曾

徐淑銀鈎仿右軍孫郎才藻等機雲聯吟寫盡桃花紙

天遣才人作細君

孫林西洙

薄宦天涯尙未還西風樂府唱刀鐙江南柳色青如許

只許征人夢裏攀

朱用成式毅

大江南北任浮萍畫卷詩筒上釣舫第一江山供點筆

金焦雙湧髻螺青

張曉村琪

佞佛求仙事已非朱樓烟鎖酒徒稀可憐檀板銀箏地

日暮唯餘水鶴飛

程風衣先生嗣立

窮愁絕似杜陵翁要掣長鯨碧海中一盞清茶澆舌本

論詩說劍氣如虹

張荆石廷珪

江邊會把釣魚竿幕府招邀禮數寬試展海門詩一卷

絕如空谷採幽蘭

鮑步江阜

公子翩翩我所思驚才絕豔寄聲詩常將白眼看人世

滿院松風一局棋

康楷亭師端

青袍憔悴困諸生湖海飄零氣不平他日弓衣傳好句

天垂星斗入孤城

曹楚佩廷珩其京口詩有地湧波濤沉六代天垂星斗入孤城之句

垂老依人作計疎家園臺榭半邱墟青衫白髮淮陰市

誰識當年南路徐

徐星友方高

京口詩人鬢髮斑春風一權吳趨間兩崦梅花千萬樹

石香存稿

三

孤筇常在雪中山

張石帆曾

幽人偏是住繁華冷落蓬門靜不譁倒曳枯藤閑繞砌

清茶一盞看梅花

汪近仁士慎

廣陵十載萍踪寄歸去吳門掃舊廬怪底髯翁多嫵媚

胸中富有百城書

鄭於谷廷暘

論詩不肯讓劉曹白雪吟成調自高曾從名王秋出塞

赫連臺上擁弓刀

陳聞莖雲鶴

髣髴機雲入洛年騎驢五月向秦川青皮笠子紅藤杖

踏徧三峰玉井田

康虛谷師蓮

幾年供奉與清班歸傍香溪把釣竿好事江南張戶部

酒痕和墨寫烟巒

張墨岑宗蒼

文名久冠浙西東
秋滿燕臺躍玉驄
天爲才人鳴得意
杏園特放隔年紅

周讓谷先生天度

王郎磊落迥超羣
秀句爭傳百合薰
同是河汾門下士
霜蹄一蹙隔青雲

王鳳喈鳴盛

博物人稱似茂先
罷官長嘯洞庭邊
白銀杆裏推窗望
七十二峰生紫烟

張詩溪廷發

獻賦長楊別故鄉
哦詩鍵戶日焚香
夢迴一枕燕臺月
應爲懷人照屋梁

孫畝南湘

幽州馬客有馬癖
意氣不減吳門豪
垂老飄零一杯酒
石香存稿

四

悲歌燕市弔荆高

戴遠山王徵

蒔花種竹愛清閒
不羨身居臺省間
負郭有田書可讀
卷簾日日對青山

諸類谷洛

家住秦淮古渡頭
六朝金粉蕩寒流
賣文錢好懸藜杖
醉遍金陵十四樓

朱草衣卉

謝家庭館殊非舊
任達吾尤愧阿咸
望到鴨頭春水綠
落梅風裏送歸颿

家叔小榭榜

幽居掩映樹重重
人隔蒹葭路不通
幾几無塵簾閣靜
水窗鎮日注魚蟲

吳山夫玉搢

瞳瞳曉日五雲開
絳蠟光融火齊堆
舞罷宮袍香滿袖

仙郎花底侍班回

錢辛楣大昕

蘼蓀淮南遂我思
林邱把臂訂幽期
它年教得雙鬟就
好唱髯公絕妙詞

沙白岸維杓

浮家漳水老雲烟
一脫朝衣二十年
猶憶故山龍焙熟
何時歸種罨溪田

陳雁橋先生履中

五十詩名起達夫
雕鐫金石遡黃初
尋春醉踏平山路
萬樹梅花一蹇驢

高西堂翔

山齋人靜酒初醒
一曲琴鳴竹外亭
殘月滿天風撼樹
夜深唯有鶴來聽

余雲上昇

海岳衷中籠怪石
艸侯架上富奇書
一從清闕看圖畫
石香存稿

五

紅樹秋山憶舊廬

程荔江從龍

君家羲獻最知名
銀榜新題上玉京
載得桃根與桃葉
一篙春水向蕪城

王孟堅稻孫

千箇琅玕繞碧池
宣蕤茗椀鬪春旗
隱囊紗帽風流客
自按紅牙譜竹枝

康江尊師曾

離羣燕雁惜分飛
折柳旗亭淚滿衣
此夜鐙前一尊酒
故人風雪薊門歸

張月槎表弟永熹

茆菴只隔孤山寺
松翠微明上佛鐙
占盡湖光與山色
清閒羨殺六朝僧

釋松亭長水

變化都由一局中
疎簾清簟聽松風
世間敵手憑誰覓

除是相逢橘裏翁

施定菴襄夏

木棉花發照閒庭
濯錦江邊別乘停
十二猿啼三峽雨
美人遙隔萬峯青

程蕙圃嘉雷

石香存稿

六

往客黔中有自淮浦郵書來者述石薌羅家難舊業無
餘所蓄圖書玩好悉歸他人余時賦詩寄懷有司馬風
流羸立壁少陵別賦泣無家之句今秋至袁江訪石薌
寓齋廣不數笏敞榻塵封時方謀斗酒肅客余歛歔慨
歎情不自禁蓋兩世遊從二十餘年不能無盛衰今昔
之感也頃示余懷人詩一卷皆平生文章意氣之交興
之所至各寫其性情風尚韻致瀟灑若自忘其困阨窮
愁者是豈尋常風雅之士所可及哉余向者所云索之
形骸之內猶淺之乎視石薌矣乾隆丙子十月望日學
弟石漁徐流方書後

石香存稿

跋

一

存 相
藁 痕
閣

袁柔吉女士湘痕閣詩選序

余於丁巳孟夏暫羈河曲蓬心不振蒿目多艱時與王子甘岩撫桑落以延娛折舜華而絳詠間披青牘坐遣朱明偶出袁柔吉女士詩相示曰此壁水之璇流玉臺之錦製也可無一言以弁之乎女士靈根浙水秀出倉山微蘭設悅之前銘菊垂髻之始金鑾曉筆披紫石以飛文織素秋絲纂青雲而落組博天公之笑早擅投壺騰邦媛之華爭爲下鏡旣而女牀載月壻浦栖雲銜鴛翼以爲稠拂龍賓而侍翰香芳琴好愁一日之分離雪夏雷冬祝千秋之共命天長古名千秋縣窈窕淑女如此良人

湘痕閣存稿

序

一

樹草無憂將花何怨若夫匏瓜命獨特居紂絕之天玉樹神摧竟瘞沈冥之壤當是時飛龍骨出不難畢命於投棺黃鵠詞哀故欲殉恩以引袂而烏鳥則空巢待哺鳳雛則文襟方嘯思一夕而九乖摩笄終忍扶寸田與尺宅銜闕奚辭孰知八難無涯三辰有譴羊祜之金環頓盡澤蘭之形管俱亡貞木無春葉黃凋以畢雨寒巖背曜石赤露而還霜祚絕身單吁其悴矣至若大雷書遠傷雁去於賢昆白雪歌沈慟鸞叱於少妹悽愴山川之外邈緜綿素之間則又觸緒停絃怨蘼蕪而失夢會歛罷杼感桃葉而思歸者也當打槩石城之後屬傳烽

江渚之初覺起蒼鷺鹵騎則拔鞭忽渡兵顏朱雀關門
則棄鑰全開于時玉弩飛空聲動鄭元之里珠樓濺血
心傷李白之孫賦烏鵲以投臺靡他久矢效銀瓶之墜
井此節終完嗟乎填精衛之寃滄溟尚淺汨娥皇之魄
湘水河深天以醉而多憫人以孤而益戾道稱與善復
何言哉江都李肇增冰叔敘

湘痕閣存稿

序

二

湘痕閣存稿

錢唐女史袁嘉柔吉著

春日遊靈谷寺

貽蕩東風拂面輕載將油壁趁新晴春浮芳草蓬蓬遠
路入桃花款款行玉版禪心參四座金繩法乳證三生
山空已覺紅塵遠更聽疎鐘第一聲

晴秋野眺

遠山收宿雨野水澹前溪楓葉留寒蝶人烟亂午雞
時黃菊瘦惜別翠眉低且踐登高約明朝斗酒攜

風雪憶梅歌

湘痕閣存稿

飛廉行天天無色青女不歡素娥泣飛瓊仙人爲解嘲
清辨滔滔霏玉屑依稀咳唾來九天詞鋒傾注如璇源
萬籟俱寂長空無煙靄然忽奪四山翠頓使峨眉不得
爭鮮妍六翼歷落散復整傾耳爬沙聲漸緊不知松外
鶴歸來忽訝窗前蟾墮影前村料得花精神美人未見
心先春一醉羅浮初夢醒衝寒定有咏花人我欲探花
還載酒卻怕枝頭寒出手消寒戲作梅花圖呵筆塗來

剛四九

幽居

徙居來深山築室如斗大洞壑杳蒼冥林莽延虛籟

謾松吟風冷冷石瀉瀨地僻絕塵囂身閒忘否泰了悟
清淨理默若元機會真味參酒中幽趣聆絃外千古賞
心人淵明此爲最

旅店題壁

離鸞別鵠太無端薄試征衫怯嫩寒愁剝紅蕉心莫展
影沉絳臘淚初乾故山烟樹雲中渺舊夢濃華鏡裏殘
辛苦年來諳道路寄棲何處一枝安

牽女

棠仙 掃雲根夫子墓作

彈指鄉關別數年歸惟弱女拜墳前驚烏冷落松楸露
倦蝶凄迷蔓草烟人世影形悲寂寞夜臺骨肉羨團圓
湘痕閣存稿

二

轉傷他日能同穴知否誰還掃墓田

天中後五日又回隨園

烟雲無恙畫圖新小別何堪更愴神照眼榴花紅似淚
入門不見倚閭人

慈顏永隔痛難支悔煞江干返棹遲更有勞人同抱恨

麻衣如雪泣天涯

謂吉甫受之
錫堂三弟

咏芭蕉

綠天黯黯釀成陰移上窗紗翠色侵小院兜螢疑扇影
夜窗敲雨擬琴音三秋作盡凄涼意百劫難消輾轉心
入畫供吟成鹿夢離披墻角未堪尋

暮春感懷

滿眼韶光花事新故鄉又負一年春流鶯啼溼沉紅雨
香絮飛殘幻綠蘋堂冷萱帷雲永蔽鏡孤鸞影月無塵
官閒卻好衙齋靜連袂稱觴笑語頻

薄暮簾櫳日上遲自研薇露學臨池詩情半是閑中得
世味都由冷處知琴到爨餘留古調人從劫後悟禪機
金閨縱有春如海轉憶牛衣對泣時

駒隙年華荏苒過歸舟欲買又蹉跎身如社燕巢無定
心較春蠶緒更多惜別儘拚書寄怨澆愁賸有酒爲波
故人天末家山遠渺渺予懷悵奈何

湘痕閣存稿

三

檀篆如雲撥不開自繙貝葉禮蓮臺生天莫再擔離恨
轉劫還期少慧才襟上香痕消芷杜樽前臘淚泣瓊瑰
升沉往事和烟散一寸柔腸一寸灰

冶城柳枝詞

花草吳宮久寂寥空餘烟雨認南朝城陰一帶垂垂柳
挽住秦淮上下潮

指點征衣淚欲斑眼看春去與春還無從更覓金城樹
常帶啼痕遶冶山

東風門巷晝冥冥依舊烟籠咏絮庭祇是凝粧人異昔
長眉輸與一痕青

隋堤漢苑幾番新
亭是勞勞慣送春風
起飛花糝似雪
天涯遮斷未歸人

鏡裏年光似水流
長條何處倚高樓
他生莫更吹香絮
又惹風飄雨泊愁

晚春病起有懷史心玉

璞瑩

女史卽題其離鸞集

綠章何處訴穹蒼
黯黯思君更斷腸
遺恨有心銜木石
欲歸無路奉羹湯
愁看身在供殘劫
苦爲親存獨後亡
最是旁人相慰藉
掌珠原自異尋常

拈毫人盡拜粧臺
生本青蓮具慧胎
洗面祇今惟有淚
畫眉從古不宜才
相看身世枯桐似
愁絕詩篇束筍堆
湘痕閣存稿

四

料得難忘餘結習
冰蠶心緒未全灰

墮樓詞

不惜滿斛珠但惜一名花
金谷園中歌舞盛珊瑚
七尺矜豪華何物孫秀利
財色心慕美人求不得
一朝禍起詔收崇美人
宛轉啼春風旣爲悅己
容當爲知己死妾請
以身報君子樓臺紅濺
胭脂水花落無聲扶不起

昌宗表

六郎顏色比花妍
羽衣笙鶴翩若仙
宮中效作貫魚寵
南衙不操阿衡權
一朝忤相意相公視之如奴隸
直言面納幸臣庇和解無方賜局戲
名臣佞倖坐兩頭金輪

天子親典籌勝敗須臾隨道長御前禡去千金裘臣有
狄宰臣侯無朱虛侯懾服諸呂終安劉想見太宗當年
裼裘至龍章日表驚無儔手揮天戈定九州生兒不幸
如豚犬刑化由來垂教淺開元圖治無幾時又見楊家
兄弟亂徽典

七夕寄懷王潤如姊

鵲橋今夜渡雲軒銀漢迢迢玉露零自是離愁擔不盡
花前私誓那曾聽

一夕相逢可奈何相思朝暮隔銀河嫦娥獨處無離別
應笑雙星此會多

湘痕閣存稿

五

碧海紅塵百劫哀幾人濃福稱清才須知生小聰明誤
莫向天孫乞巧來

羅衣涼逼漏將殘中酒心慵怯倚欄料得月斜風靜候
有人一樣感驂鸞

小遊仙曲

阿母相招鶴馭遲蟠桃成熟宴瑤池羣仙聽慣霓裳曲
又索新翻樂府詞

水瑟雲璈縹緲生天風吹作步虛聲只緣貪看旋波舞
忘卻驂鸞上玉京

繡襦甲帳護春宵豔福從來未易消歸去瓊臺同寫韻

幾生修到是文簫

雪膚花貌態姍姍
影落銀河自愛看
璧月長圓春不老
能除煩惱卽還丹

湘痕閣存稿

六

